



1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

L40-4541

了翁上座諸大藏及百家書置武州崇雲山  
我微笑院直指中永為學者不敢許出院內  
當山二世鐵牛機譯誌



B 64853

大方廣佛華嚴經疏鈔卷二之一

于闐國三藏沙門實叉難陀

譯

清涼山大華嚴寺沙門澄觀撰述

世主妙嚴品第一之二

疏自下大文第七稱揚讚德分亦是發起序。鈔

第七稱揚讚德分一對十分之名稱揚讚詠本師功德。二云亦是發起序者對三分科經謂序正流通一品是序常途分二一證信二發起今以前六分皆爲證信此下四分總爲發起讚揚發起佛德出衆顯於佛用發起大經不同古德但用天地禎

釋述

祥爲發起也。

爾時如來道場衆海悉已雲集。

疏文中有三第一。總結威儀住。第二此諸衆下。總顯德行因緣。第三所謂下別明得法讚佛。前中有三初結衆集。次明相異。後顯意同。今初數廣德深。故名衆海。起於自地集空道場多數大身重重無礙雲之象也。又浮雲無心龍吟則起。菩薩無住佛現爰來。

無邊品類周布徧滿形色部從各各差別。

疏二無邊下相異也不唯上列故云品類無邊旋

環不空故云周布徧滿大小等形妍媸等色部主徒從各有區分故云差別。

隨所來方親近世尊一心瞻仰。

疏三隨所下意同也。隨所來方參而不雜皆得見佛。各對目前其猶百川各全觀月同無異念故曰一心諦矚欽承瞻而且仰不唯直觀丈六乃徹見法界身雲。

○疏第二總顯德行因緣者以上列中隨宜別歎今方總顯德行齊均又與下別得法門以爲總故前同生衆中共集善根亦是別故又前共集明王伴

撰述

華嚴疏錄卷之二

所由。今曾攝受顯眷屬所以影畧其文。鈔第二總顯德行因緣。先總彰大意。何名總顯德行因緣。先釋總顯自有二義。一。皇前爲總。前四十衆各隨所宜以歎勝德。所歎則局。如歎海神云。佛功德海充滿其身等。今總顯四十衆德。二。皇後爲總。下四十衆得法各異。今總顯具德。前同生衆下。躡跡成難。謂有難云。前顯同生云。皆與毘盧遮那共集善根。豈非總耶。故今答云。前局同生。今該同異。四十衆德方得名總。又前明共集下。重通所難。非唯總別不等。實亦文意有殊。前之共集。與佛德齊。故爲

主伴。今曾攝受。唯爲佛攝。故爲眷屬。爲分二義。前畧攝受。此畧共集。可互影取。故云影畧其文。此諸衆會已離一切煩惱心垢。及其餘習。摧重障山。見佛無礙。

疏此文多勢。且分爲三。初明離障見淨。一。如是下受化根深三種無量下。德行圓備。初後是因中一是緣。以因奪緣。大衆自見以緣奪因。佛力令見。因緣和合無定親疎。故因緣間說。又初段德行現深後二因緣宿著久攝。今見卽緣成因。感應道交。故常居佛會。鈔此文多勢下。二科判也。言多勢者。

60 1 2 3 4 5 6 7 8 9 10 1 2 3 4 5 6 7 8 9 10

撰述

華嚴疏錄卷十一之一

或可分三。或可分二。二中立名。亦可有異。於中有三。初科爲三。初後是因下料揀。又初段下對前且字。今爲二。故久攝。今見下。亦是料揀上三分中。二即是緣。初後是因者。約自行爲因。佛攝爲緣。今得見佛。由昔曾攝。攝卽親因。因緣既著。爲感。昔旣曾攝。故應。

疏今初離障見淨者。煩惱卽煩惱障也。心垢卽所知障也。此障翳心迷所知故。言一切者。謂分別俱生。若種若現。言餘習者。二障氣分。罇重罇重。如畢陵上慢迦葉不安。今皆位極菩薩。智現情忘。證理

達事心鏡瑩淨。故云已離。若諸位圓融。一斷一切斷。亦通初位。鈔言一切者。謂分別俱生。若種若現者。謂二障各二。一者分別爲因。邪師邪教及邪思惟。此見道斷。入初地時便永斷盡。二者俱生。不由上二生而便有。此修道斷。地地斷之。此又二種。一者現行。二者種子。若所知現行。地地斷之。若煩惱現行。亦地地斷。煩惱種子。直至金剛定斷。二障氣分罇重罇重者。二障氣分。卽熏習所成。揀異現因者。亦名種子。此因習氣根本智斷。斷此因已現障。故云習氣習氣有二。謂因與果。於現起障能爲因者。亦名種子。此因習氣根本智斷。斷此因已現

60 1 2 3 4 5 6 7 8 9 10 1 2 3 4 5 6 7 8 9 10

不起故。不起現因。但龕重者。唯名習氣。此果習氣後得智斷。斷現龕重知現無故。言龕重者。違細輕故。龕重有三。一。現起龕重。貪等令心無堪任故。二種子龕重煩惱種子。障諸智故。三。龕重龕重實非煩惱似煩惱故。如身子嗔習。卑陵慢習等。今卽第三以經云餘習故。又位極故。前二卽是一切中攝故。疏釋云。若種若現。上言已斷。卽有能斷之道。揀異伏道。故云已斷。斷道有二。一。根本無分別智。親證二空所顯真理。無境相故。能斷二障種子現行。二。後得無分別智。雖不親證。無力能斷迷理隨眠。

而於安立非安立相。明了現前無倒證故。亦能永斷。彼修所斷迷事隨眠。上來皆是唯識論意。更有釋者。所知障中。亦有二種。一。於所知境而能爲障。卽是不染污無知。而非法執。如於五明處。有所未解。但是無知。何曾有執。然唯識云。由我法執二障俱生。若證二空。彼障隨斷者。據見道分別障說。以證空理而斷障故。言是障而非執者。據修道斷俱生障說。以徧知有成種智故。上來所知之障。一所知卽障。名所知障。此體即是善心心所以。彼空有二相未除。帶相觀心。有所得故。前據了俗。此據證

真說名智障。此障對治亦有二種。一者解有。二者達空。空有俱明。名徧知故。然唯識正義。唯所知之障。今就理通。故亦用之間。永斷習氣。唯是如來。云何此衆。皆云已斷。答。此有二釋。一。約法相離盡。唯是如來。若據分離。亦通菩薩經說。龐重三位斷故。解深密經說三龐重。一者在皮。初地卽斷。二者在膚。八地方斷。三者在骨。唯佛地斷。雖則餘位亦斷龐重。而三位顯。是故偏說。初地捨凡入聖位故。八地無漏常相續故。佛地果滿頓得捨故。又此卽是八地菩薩。故云斷也。二。約圓融。如疏文顯。

疏言摧重障山者。通以喻顯。以能摧道摧二障山。障體堅厚。崇聳如山。又別則智障菩提。惑障圓寂。通則俱障。及一切佛法。故名爲重。言見佛無礙者。斷障果也。然有二義。一。就能見以明無礙。由斷二礙。智明理顯。理顯故見法性身。智明故見佛智身。理智冥一。見無礙身。無礙亦卽涅槃。二。約所見明無礙者。具十無礙。已如上說。

如是皆以毘盧遮那如來往昔之時。於劫海中修菩薩行。以四攝事而曾攝受。

疏第二。如是下。受化根深。於中初總後別。初中。如

釋迦

華嚴經卷二之一

方

是者。指前斷障之衆。劫海者。明攝時曠遠。言四攝者。卽攝化之方。謂布施。愛語。利行。同事。布施是攝緣。與彼資持故。愛語是攝體。正示損益故。利行是攝處。安住善處故。同事謂釋疑。令彼決定故。鈔布施是攝緣等者。畧示四攝之相。然瑜伽說各有九門。至賢首品。當畧明之。

一一佛所種善根時。皆已善攝。種種方便教化成熟。令其安立一切智道。

疏後。一一下別示攝相。於中向言劫海曾攝。何所攝耶。謂一一佛所。何時攝耶。種善根時。將何法攝。

謂種種方便攝相云何。謂教化成熟。教化約始成熟就終。攝意云何。令其安立一切智道。道者因也。謂唯爲佛果修佛因耳。

種無量善。獲衆大福。悉已入於方便願海。所行之行。具足清淨。於出離道已能善出。常見於佛分明照了。疏第三種無量下。德行圓備。前攝何益。令德圓故。於中先辨因圓。後入果海。今初文有五句。一種無量善。已超七地殊勝善根故。二。悉已下。已超八地。大願滿故。三。所行下。已超十地。行滿障淨故。四。於出離下。前明德圓。此具出道一道。無量道。已超生

卷一

1 2 3 4 5 6 7 8 9 10 1 2 3 4 5 6 7 8 9 10

死。不住涅槃。故云善出五常見下。結成見佛。謂德高十地。是以常見。非比量見。故曰分明。不取色相。名爲照了。又塵毛利海。佛徧重重。有德斯覩。名分明晰了。鈔已超七地殊勝善根者。以七地有空中方便慧。有中殊勝行。功用行滿。故云無量。一道無量道者。一切無礙人。一道出生死。故離世間品說。一道是菩薩道。不捨獨一菩提心故。一道是菩薩道。謂方便智慧故。三道四道。乃至十道。又云。菩薩有無量道。無量助道。無量修道。無量莊嚴道。各列十句。則萬行觸目。皆菩薩道。又塵毛利海下。上

是通相般若之意。此是華嚴一乘玄旨。以勝解力。入於如來功德大海。

疏二。以勝解力下。入果海也。此一段文。望前是別總具德中。別入果。故望後是總四十衆中。解脫標故。今且屬前。於中二初乘因入果。是比智知。如見鸞翔。知太虛可冲。矚龍躍。知宏海可汎也。謂以勝解力。印可佛言。知福慧之深遠。以信解力。瞻仰佛化。知慈悲之廣大。是入如來功德大海。亦是勝解印持果德。鈔此一段下。總顯文意。以總具德文。有三節。第三德行圓備中。自有七句。今但是二。故

1234567890

1234567890

撰述

華嚴疏金卷二之一

盈

云別也。旣言得於諸佛解脫之門，則是四百餘門之總標也。義雖兩向，科且屬前。初乘因入果者，以勝解力卽是乘因。入於如來功德大海，卽是入果。冲者和也，深也虛也，高也勝也。今正是勝義，兼虛高，亦是勝解。印持果德者，前則印化，比知二嚴與慈悲，皆教道也。今云印果，則心冥果海爲證道也，得於諸佛解脫之門，遊戲神通。

疏二、得於下明分得果用，言解脫門者，佛果障寂，大用無礙，故稱解脫。真解脫者，卽是如來通智游入，故號門也。衆各證契，故名爲得。此解脫卽門，佛

得其總衆海得別，又佛解脫但名解脫，衆所得法稱之爲門，以能通入彼果用故。此解脫之門，又衆所得法離障自在，名爲解脫。智所入處亦名爲門，以因解脫入果解脫亦稱爲門。此解脫卽門。鈔言解脫門者，先別釋三。初解脫門三字，皆屬於佛。二解脫屬果門，屬衆海。三二字皆屬於衆海。於中有一二就因中自分能所。二將已解脫，望果爲門。疏然總別圓融，因果交徹，重重無礙，方爲真解脫門。故下或歎佛果德，或歎因行，或約天等所得，欲影顯故。鈔然總別下，二圓融，融上三義，總別圓。

融融第一義因果交徹融後二義重重無礙通上三義且如總具於別別亦具總則一解脫門中有  
一切解脫門

疏次遊戲神通正明入相遊戲者出入自在神通者難測無壅故約觀心者心境無礙稱爲解脫由此入理故號爲門若以門爲門非能通矣門卽如實何所通耶正入雙亡爲眞門矣如此入者則本覺湛然名窮果海真非妄外則因果圓融心境無涯則解脫無際矣鈔正入已下後順結能所雙寂故曰雙亡門理歷然稱爲正入正入則理無不

契雙亡則過無不寂

疏第三所謂下別明得法讚佛四十衆中各先長行得法卽經家序列後說偈讚卽當時所陳然衆集偈讚並在一時文不累書故編之作次而各得一者顯佛德無盡故乘別入總盡衆不能及故故海慧云如來境界無有邊各隨解脫能觀見而普賢得十者顯等佛無盡故所謂妙談海大自在天王得法界虛空界寂靜方便力解脫門

疏文中先異生衆後同生衆前中三初諸天次八

1234567890

1234567890

撰述

華嚴疏卷二之一

十一

歷

部後諸神今初分二。先色天後欲天前中有五。今初自在天長行十法。第一法界等者。卽法身解脫也。法界虛空界。卽用所徧處。空卽事空。法界之言義兼事理。謂非但徧空亦徧空內色心等事。及空有稱真之理。又但言空則一重徧。今云法界則重重皆徧。何者。謂空界容一一塵處及彼事物。一一塵中。皆稱真故。各有無邊刹海。佛身大用。皆悉充滿。故下頌云。無窮盡也。言寂靜者體也。然有二義。一。明前大用。用無用相。不礙常寂。二。由此智用。卽寂同真。是故隨一一用徧一切處也。言方便者。用

也亦有二義。一。明前寂無寂相。不礙大用。二。內同真性。不礙外應羣機。故云方便。寂用無礙。所以稱力。鈔及空有稱真之理者。此空是外空。若以理空對外空。外空離法。是斷滅空。理空卽事。名爲真空。若以外空亦心現。亦由對色滅色方顯。則此斷空從緣無性。卽性空也。故十八空。明大空者。謂十方空。卽十方虛空。亦性空矣。是故疏云。空有稱真。之理。卽有之空。皆性空也。一。明前大用等者。此二義中。一。用同體寂。二。用同體徧。方便二者。由忘寂故。不礙用。二。由依寂故能起用。

自在名稱光天王。得普觀一切法悉自在解脫門。  
疏一。普觀一切法悉自在者。智身解脫也。此有三  
義。一。以普眼於一切法無不能觀。二。觀一切法不  
壞事而全理。三。於一法中見一切而無礙。並名自  
在。

清淨功德眼天王。得知一切法不生不滅不來不去  
無功用行解脫門。

疏三。知一切法不生等者。自共相解脫也。亦有二  
義。一。知不生等內證真理。二。無功用行外應羣機。  
鈔三。自相解脫者。以一切法各各不同色非心。

等故名自相。今皆不生故名解脫。此明無彼生相  
則法體不生故名自相。若直遣生住滅相亦共相  
耳。

疏然不生等。佛法之體釋有多門。畧申一二。一。別  
釋。以不生滅約境不來去約行初不生滅畧有五  
義。鈔初不生滅畧有五重者。前三別據三性不  
同。四卽合前三而義別。五卽融四句而無礙就別  
約三性中各三釋者。初一通就當性說。二約當性  
二義說。三對三無性說。唯圓成二義小異。云何二  
性各二義耶。徧計二者一情有二理無依他二者。

一緣生。二無性圓成二者。一性有。二相無。

疏一就偏計。由是妄執無法可生滅也。又情有即  
是理無。故不生也。理無即是情有。故不滅也。不滅  
不生。是一法也。又求偏計相不可得。故不生能顯  
無相性。故不滅。不滅卽不生。亦一法也。鈔一就  
偏計下偏計三義也。一偏計無體。如繩上蛇。故無  
可生滅。二約二義者。情有合是生理。無體是減。令  
此情有卽是理無。何有生耶。正理無處方是情有。  
故非滅也。下例可知。三對無性者。由無偏計方顯  
無相。故唯識云。卽依此三性說彼三無性。是知若

無偏計。安知無相。下亦例然。

疏二就緣起性。謂法無自體。攬緣而起。卽生無生。  
既本不生。故無可滅也。又緣起無性。故不生無性。  
緣起故不滅。中論云。以有空義故。一切法得成。是  
故不生。卽不滅。不滅卽不生。爲一物也。又推緣無  
起。故不生。能顯無生性。故不滅。鈔二就緣起性  
者。一通說因緣之法。依他而起。因緣所生。無有生  
故。故經云。一切法無來。是故無有生。以生無有故。  
滅亦不可得。二明二義中。又緣起無性故者。緣生  
卽無性也。無性緣起者。無性卽緣生也。前句卽因

緣故空。此句卽無性故有。故引中論以有空義。故一切法得成唯證後句。三顯無性中若無因緣不知無性。故論四句推之。諸法不自生亦不從他生。不共不無因是故知無生。若不推此。安知無生。無生卽是生。無自性性也。

疏三約圓成性謂非是有爲故。無彼生滅相也。又非妄心境故不生。聖智所證故不滅。又體非遷變故不生。隨緣令法起故不滅。不滅卽不生爲一物也。鈔三約圓成初義可知。一約二義中小異耳。前二謂二三皆約二義。二卽法相宗二義於此二

義顯無性義。謂非妄心境故卽相無義。聖智所證故卽性有義。而非妄心境故遠離我法所執。便能顯得勝義無自性。性又體非遷變下。約不變隨緣法性宗中二義。既不變故不生。由此不變方能隨緣。則不生是不滅義。既以隨緣爲不滅。由隨緣不失自性方知不變則不滅。是不生故云爲一物也。疏四通就三性混融於一法上就偏計故不生。就圓成故不滅。就依他故亦不生亦不滅。就三無性故非不生非不滅。鈔四通就三性等者。卽合前三而義別理實具合三性三無性以成四句。如一

60 1 2 3 4 5 6 7 8 9 10 1 2 3 4 5 6 7 8 9 10

念心刹那營起卽具六義。謂一念之心是緣起法。是依他起。情計有實。卽偏計所執體本空寂。卽是圓成三性備矣。旣卽依三性說三無性。故六義具矣。今於三性成其三句。三無性上共成一句。謂一念之上旣理本無。故偏計爲不生。本無之理。卽是圓成故不滅。依他卽無性故亦不生。而不壞相故亦不減。三句備矣。言就三無性。非不生。非不滅者。上約偏計。故不生。今偏計卽相無性。故無彼不生。爲非不生也。上約圓成故不減。今圓成卽是勝義。無自性性。故非不滅。上約依他亦不生。亦不減。今

依他卽生。無自性性。故何有亦不生。亦不減。故上三性不出不生。不減。今翻彼三性以成三無性。故雙非也。

疏五。然此四句合爲一聚。圓融無礙頓思可見。鈔五中融四句而無礙。以一念心上。一微塵上。卽有六義。故總融合。言合四句者。非第四門中四句。合前別說。總說四句耳。

疏二。不來不去者。約行謂正智。背捨妄執而無去。向證真理而不來。又依體起用而不去。應機現前而不來。又往應羣機而不去。恒歸寂滅而不來。不

來卽是不去無二爲一味也。由此大智無念應機如摩尼天鼓無思成事故云無功用行也。鈔二不來不去下有三義釋初唯約體背捨是去而言不去者智照妄空無可捨故照惑無本卽智體故向證真理合是來義如如來故而云不來者真不可得故照體無自卽真理故故經云如來者無所從來又依體起用等者第二雙約體用說也依體起用故是去以卽體之用故不去應機現前合是來以應不離體如月之影故不來又往應羣機而不去等者第三唯約用說往應合是去應無應相思約意。

疏二通釋者不生不滅亦可約行不來不去亦可約境鈔二通釋者旣言不生滅約行不來去約境此亦是局何名爲通以上是賢首意不生滅局境而不通行不來去局行而不通境今翻其不通

0

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

令通則四義俱通境行故名爲通。

疏謂妄念斯寂猶若虛空何生何滅又雖起大用見心無生用謝歸寂了本無滅又常稱真理寂照居懷於此心中有何生滅此約行釋不生滅也。鈔謂妄念下別亦約三性以成觀行初卽徧計契同無相何有生滅一文雖起大用下約依他觀三又常稱真下約圓成觀。

疏約境釋不來去者猶如空華無可去來又緣會卽來來無所從故無來緣謝而去去無所至故無去又諸法卽如如豈來去鈔約境釋不來下亦

約三性初卽徧計又緣會下約依他又諸法卽如下約圓成皆從簡畧各出一義例前不生亦可具五亦應前三別說四五融通如徧計上亦應云情有卽是理無故不來理無卽是情有故不去等但改生滅二字爲來去二字餘准前思。

疏三展轉釋又何以不生滅由無來去故何以不來去由無生滅故鈔三展轉釋所以爲此釋者有三意一則上來但當句釋今顯互相釋故如經云一切法無來是故無有生等卽此亦名相因釋也

疏又既無來去則非一非異。不生不滅則無斷無常智契前理故無功用。不礙生等故云行也。鈔又既無來去則非一異者。次正是展轉釋。欲明不生等四含義無盡故畧舉八不。卽中論宗論云。不生亦不滅。不常亦不斷。不一亦不異。不來亦不去。而青目釋之有展轉相釋今取此勢故爲此釋。云何不來不去。則得非一非異耶。謂若有來去。則有能所能所爲異。對此爲一。今無來去。故無一異。云何不生不滅。則得不常不斷。謂若許有生生。卽是有定。有則常。若許有滅滅。則是無定。無則斷。今無無功用。

生滅何有斷常。故中論問云。不生不滅已總破一切法。何故復說此六事耶。答爲成不生不滅故。謂有人不信。不生不滅而信不常不斷。若深求不常不斷。卽是不生不滅。故知二義相成。從智契下釋。疏是則不生之生生之不生。無功用故常寂行故常用。寂用無二是於功用得解脫也。斯爲正法之要。義味難盡。無厭繁文。鈔是則不生之生下。生與不生。展轉相成。上來諸不相成總顯不生之理。今則性相相成。以此不生不同斷滅故不礙於生。

若礙於生。非真不生。故不礙生成不生也。是則緣生。故無性。無性故緣生。二義相成。真不生也。可愛樂大慧天王。得現見一切法真實相。智慧海解脫門。

疏四。現見一切法等者。觀義解脫也。現見之言。揀比知故。真實相言。畧有三義。一以智觀事實。事不虛故。故下經文觀有爲法。如實相故。二以慧觀理實。所謂無相無相。不相名爲實相。三以無礙智。知無二實。窮實故深盡邊故廣稱。智慧海不爲相縛。是解脫門。

不動光自在天王。得與衆生無邊安樂大方便定解脫門。

疏五。與衆生等者。慈障解脫也。離諸危怖曰安。適悅身心爲樂。見佛則獲二利。故安樂也。煩惱不生。故得定也。佛德難思。故樂定無邊。斯爲大方便也。妙莊嚴眼天王。得令觀寂靜法滅諸礙暗怖解脫門。疏六。令觀等者。悲障解脫也。衆生癡故造業。造業故受苦。開故不見未來。不見未來卽顛墮故大怖之極。莫越愚癡。令觀本寂。則癡相本空。尚不造善。豈當爲惡。鈔尚不造善等者。然邪說空謂豁達。

無物。或言無礙。不妨造惡。若真知空善。順於理。恐生動亂。尚不起心惡背於理。以順妄情。豈當更造。若云無礙。不礙造惡。何不無礙。不礙修善。而斷惡耶。厭修善法。恐有著心。恣情造惡。何不懼著明大邪見。惡衆生也。

善思惟光明天王。得善入無邊境界。不起一切諸有思惟業解脫門。

疏七。善入等者。業障解脫也。佛現十方。是無邊境。了無依性。稱爲善入。尚不依佛。寧造業思。鈔尚不依佛者。意同前義。入理觀佛。恐壞觀心。更造業

思特違至理。

可愛樂大智天王。得普存十方說法。而不動無所依解脫門。

疏八。普往十方等者。卽無相解脫門也。雖身應十方。寂然不動。智宣諸法。泊爾無依。不取於相。如如不動故。

普音莊嚴幢天王。得入佛寂靜境界。普現光明解脫門。

疏九。入佛等者。卽名相解脫也。佛智契如。名入寂境。寂而能應。故普徧十方。身智發光。又令物入無

123456789

123456789

相故靜無名故寂。名稱光善精進天王得住自所悟處而以無邊廣大

境界爲所緣解脫門。

疏十中此天王名與前列中少倒前名極精進名稱光上下諸文多有此例或義存名異或廣畧參差皆譯者不善會耳法門名住自等者此離二取相能益自他解脫門自悟處者卽離覺所覺自覺聖智常現前也而以無邊等者爲緣無邊法界度無邊衆生得廣大菩提也鈔此離二取相者唯識第八有四二取一相見二名色三王所四本末

本卽第八異熟末卽六識異熟今當相見所覺是相能覺是見遠離覺所覺名自覺聖智故楞伽云一切無涅槃無有涅槃佛無有佛涅槃遠離覺所覺卽斯義也上是第一經第二又云佛告大慧前聖所知轉相傳授妄想無性菩薩摩訶薩獨一靜處自覺觀察不由於他離見妄想上上勝進入如來地是名自覺聖智之相

爾時妙燄海天王承佛威力普觀一切自在天衆而說偈言

疏二上首說偈中二先彰說儀後明正說今初燄

海是當衆上首。仰承佛力爲衆中心。十地論云。承佛力者。顯無我慢。普觀十方。示無偏心。今觀已衆通局小異耳。鈔十地論云。承佛力等者。論中但云示無我慢。無偏心故。昔人或將通配二句。疏意以別配爲正。故便配之。

疏然頌總有四種。一名阿耨窣覩婆頌。此不問長行與偈。但數字滿三十二。卽爲一偈。二名伽陀。此云諷頌。或名不頌頌。不頌長行故。或名直頌。謂直以偈說法故。三名祇夜。此云應頌。四名縕馱。南此云集施頌。謂以少言攝集多義。施他誦持故。今此正唯前二義兼五六。

疏二正說中。十偈次第。各一法門。結集取此以爲長行。非此頌前也。然此中長行與偈。有多不同。謂偈字則定。長行多少不同。而長行則約天得法。偈中卽是歎佛。此必然也。若二文互望。或因果之殊。或體用有別。或互相影畧。或難易更陳。或法喻不

同或能所遞舉故傳授者善消息之。二文相映於義易了。鈔結集取此者以昔人皆云頌長行故然此中長行下相對料揀者示說偈儀然上舉四種明偈體式次明八義卽立偈之由然通重頌及與孤起華藏品有十例五對唯約祇夜今此料揀唯局此文雖是孤起而經家廣列故須會釋總有六對一因果者如第十偈云佛於無邊大劫海爲衆生故求菩提此舉因故長行卽云自所悟處此顯果也第二體用者第二偈云能然照世妙法燈用也長行云普觀一切悉自在體也第三影畧者

長行云知一切法不生不滅不來不去偈中但云了相無有卽偈畧也第四偈云永滅衆生癡暗心長行但有現見一切法卽長行畧也第四難易者如初天王長行但云得法界虛空界寂靜方便力解脫不見偈文難爲解釋第五法喻不同者長行第二但云觀一切法偈云能然照世妙法燈是也第六能所遞舉者初天王但云法界虛空界是所偏處偈中則云佛身普偏諸大會則長行闕能偏且就初段具有六對况下諸段顯文甚多言傳授者善消息之者易豐卦云天地盈虛與時消息釋

云消者盡也。息者生也。謂可加則加。可減則減。可出則出。可沒則沒。故云消息。二文相映者。長行不了。則觀偈文。偈文難見。則觀長行。則易了也。

佛身普偏諸大會。充滿法界無窮盡。寂滅無性不可取。爲救世間而出現。

疏今初天中初二句。卽前所偏法界虛空。兼明能偏佛身。則十身皆偏。無窮盡者。一出現無盡。若高山之出雲。二非滅盡法。猶虛空之常住。次句寂靜也。由無性故。不可取爲一異。俱不俱等。後句方便。合二爲力。此偈是說者自法。故不結天名。下並準知。鈔一出現無盡等者。然還源觀說有三偏。一塵普周法界偏。卽經充滿法界無窮盡。二一塵出生無盡偏。卽疏前意。三一塵含容空有偏。卽疏後意。不可取爲一異等者。普偏諸會。此應有異。充滿法界。此應唯一。今性相俱寂。故皆叵得。若有一異。則合此爲俱。一異既亡。俱從何有。若有俱句。遣此雙非。俱句已無。雙非寧立。故四句皆遣。百非俱亡。寂乎唯寂。而言等者。亦不可說。有無等四真。應等殊。唯證相應耳。

如來法王出世間。能然照世妙法燈。境界無邊亦無

盡此自在名之所證。

疏二中初句是上自在佛爲法王於法自在故次句觀也第三句普也後句結法屬人爲他說故然其結名義同法門恐繁不配他皆倣此佛不思議離分別了相十方無所有爲世廣開清淨道如是淨眼能觀見。

疏三中初句無功用也不思議是標離分別是釋次句卽不生等相卽生等無卽不義第三句卽行也長行約要先知法無生方得成無功用偈則要無分別方能見法無生內證與外用同時所以二

文前後。

如來智慧無邊際一切世間莫能測永滅衆生癡暗心大慧入此深安住。

疏四中初句明廣次句明深卽上智慧海也第三句自見法實故能令物不迷事理。

如來功德不思議衆生見者煩惱滅普使世間獲安樂不動自在天能見。

疏五中初句方便定也次二句與安樂也。

衆生癡暗常迷覆如來爲說寂靜法是則照世智慧燈妙眼能知此方便。

疏六中。初句。卽前癡暗。謂長迷妄境。鎮覆真心也。次句。卽令觀寂靜。次句。因滅無明。則熾然三菩提。明是前滅義。鈔因滅無明。則得熾然三菩提品。因者。卽涅槃二十一。南經十九。高貴德王菩薩品。因瑠璃光菩薩欲來放光。佛問文殊。文殊初入第一義答云。世尊。如是光明。名爲智慧。智慧者。卽是常住。常住之法。無有因緣。云何佛問。何因緣故。有是光明。廣說無因緣竟。末後云。世尊。亦有因緣。因滅無明。則得熾然阿耨多羅三藐三菩提燈。今畧義引耳。

如來清淨妙色身。普現十方無有比。此身無性無依處。善思惟天所觀察。

疏七中。初二句。卽善入無邊境。無邊境。卽所應處也。無有比。善也。次句。無性者。感而應故。無依者。思念寂故。由此能令物不造業。

如來音聲無限礙。堪受化者靡不聞。而佛寂然恒不動。此樂智天之解脫。

疏八中。初二句。卽普在十方說法。次一句。卽不動無依。

寂靜解脫天人主。十方無處不現前。光明照耀滿世。

撰述

華嚴疏錄卷之二

三

卷之二

間此無礙法嚴幢見。

疏九中初句卽入寂靜境次二句卽普現光明。佛於無邊大劫海爲衆生故求菩提種種神通化一切名稱光天悟斯法。

疏十中初十一字卽無邊境爲所緣求菩提卽自所悟處次句旣緣其境必起通化前文畧耳。

復次可慶樂法光明幢天王得普觀一切衆生根爲說法斷疑解脫門。

疏第二明第四禪廣果天長行十法中一普觀等者此應根授法明於不知根說法無果障中得解

脫也。斷疑生信是說法果故謂觀機識病稱根說法藥病無謬故疑除疾愈。

淨莊嚴海天王得隨憶念令見佛解脫門。

疏二中隨憶念言畧有二意一隨念何佛如名應之二隨念有淺深令見佛有美妙此於現身得解脫也。

最勝慧光明天王得法性平等無所依莊嚴身解脫門。

疏二中法性平等者唯一味也無所依者離能所也莊嚴身者證真莊嚴卽非莊嚴故雖現世間還

撰述

圭嚴疏金卷二之一

三

卷

如法性不依諸有。此於有依得解脫也。  
自在智慧幢天王得了知一切世間法。一念中安立  
不思議莊嚴海解脫門。

疏四中知世間法者。謂眾生世間心法各異。知已  
隨宜現通說法。故云安立一念速安。非人天外道  
所能思議。以此莊嚴如來教海。此於安立教法。遲  
鈍障得解脫也。

樂寂靜天王得於一毛孔現不思議佛刹無障礙解  
脫門。

疏五一毛等者。約偈不思議解脫力也。無礙有二

義。一。唯就所現。則毛中多利。自互無礙。二。雙就能  
所。一毛不太。而多利不小。一多大小。皆無礙也。又  
由無大小相故。此於取著障得解脫。

普智眼天王得入普門觀察法界解脫門。

疏六普門者。一門攝一切門。名爲普門。隨一一門。  
各全收法界。故於其中觀察法界。深智契達。故名  
爲入此於隨相中得解脫。

樂旋慧天王得爲一切衆生種種出現無邊劫常現  
前解脫門。

疏七中衆生無邊根器各異。應形說法。種種不同。

撰述

華嚴疏錄卷之二

三

四

既根熟不休。故窮劫長現。此於畏苦不化生障得解脫。

善種慧光明天王得觀一切世間境界入不思議法解脫門。

疏八中觀一切等者。謂觀事入理。理超情表。云不思議。此於諸業報得解脫。

無垢寂靜光天王得示一切衆生出要法解脫門。

疏九中法門無邊出者爲要。根器萬品。故出要難思此於著相得解脫。

廣大清淨光天王得觀察一切應化衆生令入佛法解脫門。

疏十中種種方便。但隨所應終成種智。名入佛法。以大悲出現。皆等雨故。此於不欲利生得解脫。上云出要。令離妄苦。今云入法令得真樂也。

爾時可愛樂法光明幢天王承佛威力。普觀一切少廣天。無量廣天。廣果天衆而說頌言。

疏頌中觀已衆內三類天者。上五淨居。非所被故。十偈次第。一如長行。

諸佛境界不思議。一切衆生莫能測。普令其心生信解。廣大意樂無窮盡。

123456789

123456789

疏初中前二句卽所疑境界。境界之言通分齊所觀。普令者觀根爲說故生信解者斷疑也。信佛大用分齊難測故斷佛上疑生其正解信佛所觀之境則斷法上疑亦生正解謂如有疑云爲存因果非真空耶爲是空故無因果耶今明只由真空能立因果因果立故乃是真空也第四句釋一切之言佛以利生爲意樂故旣該一切故廣大無盡鈔只由真空能立因果下答上疑念此句明其以有空義故一切法得成若無有空義因果定有便墮於常言因果立故乃是真空者卽因緣故空義

若離因果以明空者是斷空故。

若有衆生堪受法佛威神力開導彼令其恒覩佛現前嚴海天王如是見。

疏二中初句卽憶念次二句令見佛。

一切法性無所依佛現世間亦如是普於諸有無依處此義勝智能觀察。

疏三中初句卽法性平等無依次二句卽莊嚴身謂如法性爲嚴故無依處。

隨諸衆生心所欲佛神通力皆能現各各差別不思議此智幢王解脫海。

疏四中。初一句卽了一切世間。次二句卽一念安立不思議莊嚴海。

過去所有諸國土。一毛孔中皆示現。此是諸佛大神通。愛樂寂靜能宣說。

疏五中。初二句卽毛孔現利。上云不思議佛利。但以橫多。今云過去。乃豎窮前際。皆云現者。如鏡現像。次一句是無障礙。令應度者見。卽佛神通。依佛鏡智而觀。乃法性恒耳。

一切法門無盡海。同會一法道場中。如是法性佛所說。智眼能明此方便。

疏六中。初二句卽普門。次一句卽法界。末句義兼於入。

十方所有諸國土。悉在其中而說法。佛身無去亦無來。愛樂慧旋之境界。

疏七中。初二句卽爲一切衆生種種出現。次句卽無邊劫常現前。謂約機隱顯。佛無去來。故常現也。佛觀世法如光影。入彼甚深幽奧處。說諸法性。常寂然。善種思惟能見此。

疏八中。初句卽觀一切世間也。次二句卽入不思議法也。若約理論深。是深非甚。今不壞事而卽理。

故曰甚深全攬理以成事。名爲幽奧處。兼上二法常寂然。釋上義也。以諸法卽寂故。不可以理事思也。

佛善了知諸境界。隨衆生根雨法雨爲啓難思出要門。此寂靜天能悟入。

疏九中初二句示一切衆生。次一句顯出要法。世尊恒以大慈悲利益衆生而出現等。雨法雨充其器。清淨光天能演說。

疏十中初二句卽觀應化衆生。次一句令入佛法。復次清淨慧名稱天王。得了達一切衆生解脫道方

### 便解脫門

疏第三明三禪長行十法。第一門卽寂普現名爲方便。說卽是道。由說入佛解脫海故。此於體用有礙得解脫也。又方便言亦通入解脫之方便也。最勝見天王得隨一切諸天衆所樂如光影普示現解脫門。

疏第二門隨一切等者。謂不能普現得解脫也。光影之言畧有二釋。一謂因光發影。影但似質而不似光。依智現形。形隨衆樂不隨自智。隨樂卽應。名普示現。二水中之月亦名光影。謂佛月不來。影現

心水影多似月。少似於水。謂水動則流光蕩漾。水濁則似晦魄臨池。若止而且清。則圓壁皎皎。此亦隨自他意也。此就天王且隨天衆所樂。偈就於佛。無不應也。鈔光影之言。畧有二者。賢首更有一義。今不存之。故云畧也。彼釋云。謂如明淨物。得日光耀。於屋壁上有光影現。如來應機。現身亦爾。然有多義。一。緣集義。謂大智明淨。悲願日照於衆生。陰室之內。現於佛影。二。速疾義。無遠不至。故三。無礙義。不可執持。故四。有用義。能破暗故。五。無生義。無所有故。廣如十忍品說。此義似有穿鑿。故畧不圓缺故。少似水者。隨動靜故。

寂靜德天王。得普嚴淨一切佛境界。大方便解脫門。  
疏第三門。佛境界有二。一如法性。是佛證境。二。十方國土。是佛化境。嚴淨亦二。離相息妄。則嚴如

0

1 2 3 4 5 6 7 8 9 10 1 2 3 4 5 6 7 8 9 10

境萬行廻向。則嚴化境此二無礙大方便也。此於無巧莊嚴得解脫也。

須彌音天王得隨諸衆生永流轉生死海解脫門。  
疏第四隨諸衆生等者謂大悲深厚故隨入生死衆生無邊故永流轉而示導也此於無大悲捨衆生障得解脫也。

淨念眼天王得憶念如來調伏衆生行解脫門。

疏第五門佛調衆生或折或攝或兼二行雖悲願多門皆令趣無上道若憶念此居然受化不滯於權此於勝所緣有忘念障得解脫鈔或折攝等

者勝鬘云應攝受者而攝受之應折伏者而折伏之攝受折伏則正法久住。

可愛樂普照天王得普門陀羅尼海所流出解脫門。  
疏第六得普門等者佛以稱法性之總持包攝一切總持故云普門復能流演無盡故得稱海此於聞思有忘失障得解脫也。

世間自在王天王得能令衆生值佛生信藏解脫門。  
疏第七門謂佛出難值引之令值信心難生勸之令生信舍衆德所以名藏下經云信爲寶藏第一財故此於嫉妒邪見障得解脫也。

光燄自在天王得能令一切衆生聞法信喜而出離解脫門。

疏第八能令等者上令信佛此令信法仰依卽信領解便喜信可趣入喜則奉行因得解脫名而出離此於迷覆衆生障出離道得解脫。

樂思惟法變化天王得入一切菩薩調伏行如虛空無邊無盡解脫門。

疏第九門謂衆生界法界調伏界虛空界皆無邊無盡菩薩悲智以方便界開示法界行調伏界等虛空界於有限礙障中得解脫故鈔謂衆生界

等者瑜伽有五無量界此前列四後言以方便界者卽調伏方便界故五具矣。

變化幢天王得觀衆生無量煩惱普悲智解脫門。

疏第十觀衆生等者由悲故憐愍由智故觀察觀察煩惱知病行已化而度之此於無悲無方便障得解脫也。

星宿音妙莊嚴天王得放光現佛三輪攝化解脫門。  
依藏補

爾時清淨慧名稱天王承佛威力普觀一切少淨天無量淨天徧淨天衆而說頌言。

疏頌中十一頌初十次第。如前長行依梵本列名。中此長行闕第十一天彼名星宿音妙莊嚴天王。下言妙音者。畧而未廻。

了知法性無礙者。普現十方無量刹說佛境界不思議令衆同歸解脫海。

疏第一頌中初二句是了達方便依法性而現故。後二句說卽是道說不思議解脫令衆同歸。如來處世無所依。譬如光影現衆國法性究竟無生起。此勝見王所入門。

疏二中初二句明光影普現無依故如影第三句

成上二義以無生故如影無依畧不明隨天所樂無量劫海修方便。普淨十方諸國土法界如如常不動寂靜德天之所悟。

疏三中初二句標方便無量劫修兼顯大義次二句正明方便嚴佛境界。

衆生愚癡所覆障盲暗恒居生死中如來示以清淨道此須彌音之解脫。

疏四中初二句卽衆生永流轉謂無明所盲。覆本淨心造業受身故恒居生死次句卽隨而示之。諸佛所行無上道一切衆生莫能測示以種種方便

門淨眼諦觀能悉了。

疏五中。總相頌佛調生行。初句高。次句深。後句廣。如來恒以總持門譬。如利海微塵數。示教衆生偏一切。普照天王此能入。

疏六中。初二句卽普門陀羅尼。次一句卽所流出。示教者。示其善惡教使修行。稱性無偏。故偏而無盡。

如來出世甚難值。無量劫海時一遇。能令衆生生信解。此自在天之所得。

疏七中。初二句值佛。次句生信藏。不信則佛難值。

正信唯佛能生。旣值佛生信。反覆相成。今之一遇。何得不信。

佛說法性皆無性。甚深廣大不思議。普使衆生生淨信。光燄天王能善了。

疏八中。初二句卽所聞之法。以無性爲法之眞性。次句卽令衆生信喜出離。淨則出。不信濁成。無漏故。

三世如來功德滿。化衆生界不可思。於彼思惟生慶悅。如是樂法能開演。

疏九中。初句能調伏人。前因此果耳。化衆生界卽

調伏行無邊無盡爲不思議思惟悅生是名爲入衆生沒在煩惱海愚癡見濁甚可怖大師哀愍令永離此化幢王所觀境。

疏十中初二句卽衆生無量煩惱謂利鈍二使愛見羅刹皆甚可怖也次一句以悲愍之以智令離鈔愛見羅刹甚可怖畏者卽涅槃第十一已如前引。

如來恒放大光明一一光中無量佛各各現化衆生事此妙音天所入門。

疏十一中旣闕長行對名畧顯初二句星宿莊嚴

義也謂佛光流於法界燦若星羅次句卽妙音莊嚴化衆生事不出三輪上云妙音舉一立稱耳若長行立名應云得放光現佛三輪攝化解脫門復次可愛樂光明天王得恒受寂靜樂而能降現銷滅世間苦解脫門。

疏第四二禪長行十法初中二義一內證真樂經論共說樂有五種謂一因二果三苦對除四斷受五無惱害無惱害樂更有四種謂出家遠離樂禪定適悅樂菩提覺法樂涅槃寂靜樂今當第四若通取受字兼禪定菩提則舍因果言恒受者以無

123456789

123456789

123456789

123456789

所受受諸受故。若待境界。卽非恒也。二而能降下。外建大義。降神現相。除苦因果。此於涅槃體用障得解脱也。鈔經論共說樂有五種等者。論卽瑜伽等經。卽善戒經。第二自利利他品經云。云何名快樂。快樂義者。有五種。一者因樂。二者受樂。三者斷受樂。四者遠離樂。五者菩提樂。云何因樂。因內外觸。因觸因緣故。有受樂。是名因樂。因行善法。得他世樂。是名因樂。云何受樂。從因因緣。身得增長。心得安隱。是名受樂。受樂者。有二種。何等爲二。一者有漏。二者無漏。無漏有二。一者學地。二者無學。

有漏有三。欲界色界無色界。三有。有內外入故。有六觸。六觸有二。一者身樂。二者心樂。五識共行。各爲身樂意識共行。名爲心樂。修習聖道。斷諸受故。道得增長。無有諸受。名斷受樂。永斷煩惱。身心無患。名遠離樂。受常樂故。名菩提樂。或有說言。無想定者。名爲斷樂。是義不然。何以故。不斷受樂故。遠離樂者。有四種。一者出家樂。二者寂靜樂。三者斷樂。四者菩提樂。世間之人多有憂苦。永斷是苦。名出家樂。斷欲界貪名寂靜樂。永斷煩惱。名爲斷樂。受常樂故。名菩提樂。菩薩常能施衆生樂。名菩提。

1 2 3 4 5 6 7 8 9 10 1 2 3 4 5 6 7 8 9 10

樂菩薩摩訶薩自受常樂轉施衆生。名菩提樂。何故名爲因樂。是樂因故。名爲因樂。不名受樂。受者不名因樂。名爲性樂。斷樂者不名因樂。不名受樂。以斷多樂故。名爲斷樂。遠離樂者不名因樂。不名受樂。不名斷樂。以觀生死衆過患故。名智慧樂。菩提樂者不名因樂。不名受樂。不名斷樂。不名遠離樂。無邊常故。名菩提樂。名無勝樂。名無邊樂。名無上樂。亦名常樂。名寂靜樂。菩薩摩訶薩能以如是五種之樂施於衆生。是名因樂義。今疏望彼經數名不同。若欲會者。果及苦對除。即是受樂開出。

無惱害者。卽遠離樂。及菩提樂。經中遠離有四。今云出家遠離樂。舍其二種。出家卽第一遠離。兼得第二斷樂。復開菩提爲菩提涅槃二樂。若瑜伽九十六說。樂有二種。一者欲樂。二遠離。遠離復有三種。一劣。謂無所有已下。二中。謂第一有。三勝。謂滅受定。然世尊依第一義說有三種最寂靜樂。謂等解脫故。總攝爲三。一應遠離。二應修習。卽前三上中下遠離。各有上遠離。三最極究竟解脫無上住樂。卽前食等解。

清淨妙光天王。得大悲心相應海。一切衆生喜樂藏。

解脫門。

疏第二門。謂無緣大悲。與性海相應。拔世憂患。故出生喜樂。無盡名藏。此於惱害心得解脫。

自在音天王。得一念中普現。無邊劫。一切衆生福應力解脫門。

疏三。一念等者。修福德因。感依正果。福之力也。雖多人多劫所感。念劫融之頓現。此於時劫得解脫也。

最勝念智天王。得普使成住壞。一切世間皆悉如虛空清淨解脫門。

疏第四門。謂以佛力不動。成住壞三。皆如空劫。常清淨也。此於遷變得解脫也。

可憐樂淨妙音天王。得憐樂信受。一切聖人法解脫門。

疏五。憐樂等者。謂信樂佛菩薩法。敬奉修行。則二障得解脫也。

善思惟音天王。得能經劫住演說。一切地義及方便解脫門。

疏第六門。地謂地智。義謂清淨。卽離念超心地也。方便者。教導及入地之由。入住出等也。以無盡辨

演莊嚴音天王得一切菩薩從兜率天宮沒下生時  
大供養方便解脫門。

疏七。一切等者。通有二義。一。現多身。興多供。供多  
佛。皆稱真故。名大方便。卽長行意。二。念八相徧  
法界故。名大方便。卽偈中意。於上自在。名爲解脫。  
甚深光音天王得觀察無盡神通智慧海解脫門。

疏八。於定慧障得解脫。

廣大名稱天王得一切佛功德海滿足出現世間方  
便力解脫門。

疏九。果滿應機。是於現身化生無堪任性得解脫。  
最勝淨光天王得如來往昔誓願力發生深信愛樂  
藏解脫門。

疏十。見佛大願雲。愛樂隨學。此於自輕障得解脫。  
爾時可愛樂光明天王承佛威力。普觀一切少光天。  
無量光天。極光天衆。而說頌言。

疏十一。頌中十偈。次第依前。

我念如來昔所行。承事供養無邊佛。如本信心清淨  
業。以佛威神今悉見。

疏今初前三句。明寂靜樂。通舉因樂。以顯果樂。後

句降現之用。

佛身無相離衆垢。恒住慈悲哀愍地。世間憂患悉使除此。是妙光之解脫。

疏二中。初句卽所相應海。次句卽能應大悲。大悲荷物。故名爲地。次句卽生喜藏。憂除故喜。患除故樂。

佛法廣大無涯際。一切利海於中現。如其成壞各不同。自在音天解脫力。

疏二中。初句能現。次句所現。

前勝念解脫之方便。

疏四中。初二句卽普使成住等。次一句頌如虛空清淨。以三灾彌縫。而淨土不毀。故然三四二偈似如前却。且順文釋耳。

如諸刹海微塵數。所有如來咸敬奉。聞法離染不唐捐。此妙音天法門用。

疏五中。初二句咸敬奉。是慶樂餘是聖人。次一句卽上法及信受也。

佛於無量大劫海說地方便無倫匹。所說無邊無有窮善思音天知此義。

疏六中。初句經劫住。次一句卽地義。方便無邊。是一切也。

如來神變無量門。一念現於一切處。降神成道大方便。此莊嚴音之解脫。

疏七中。通頌八相普周。畧無供養。

威力所持能演說。及現諸佛神通事。隨其根欲悉令淨。此光音天解脫門。

疏八中。初句是前智慧。次句神通。次句無盡及海。以隨根令淨。是深廣故。

如來智慧無邊際。世中無等無所著。慈心應物普現。

前廣大名天悟斯道。

疏九中。初二句卽德海滿足。次句出現世間。

佛昔修習菩提行。供養十方一切佛。一一佛所發誓心。最勝光聞大歡喜。

疏十中。三句通明前昔誓願力。第四句結中。便顯深信愛樂藏。以文云大歡喜故。

大方廣佛華嚴經疏鈔卷之二之一 終

信官朱大啓敬捨俸資陸兩刻此

華嚴疏鈔卷二之一

大方廣佛華嚴經疏鈔卷二之二

于闐國三藏沙門實叉難陀譯

清涼山大華嚴寺沙門澄觀撰述

世主妙嚴品第一之二

復次尸棄梵王。得普住十方道場中說法。而所行清淨無染著。解脫門。

疏第五初禪。長行十法中。一。普住等者。大用應機。故普偏說法。用而常寂。故行淨無染。得心無行。故行淨了境。無相故無染。慧光梵王。得使一切衆生入禪三昧住解脫門。

疏二。佛爲定境。住定則所見深故。

善思慧光明梵王得普入一切不思議法解脫門。

疏三。普入等者。法海難量。名不思議。一言演盡。名爲普入。

普雲音梵王得入諸佛一切音聲海解脫門。

疏四。圓音隨類名音聲海要無分別方入佛聲。觀世音自在梵王得能憶念菩薩教化一切衆生方便解脫門。

疏五。能憶等者。化生即是趣菩提行。故以宿住智明記。

寂靜光明眼梵王得現一切世間業報相各差別解脫門。

疏六。衆生報異。隨業有差。佛示現受令生正信。

普光明梵王得隨一切衆生品類差別皆現前調伏解脫門。

疏七。於法自在。方能隨類調生。變化音梵王得住一切法清淨相寂滅行境界解脫門。

疏八。佛身無相等法性之清淨。現而同化爲寂滅之行矣。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

光耀眼梵王得於一切有無所著無邊際無依止常勤出現解脫門。

疏九不著諸有故能常現三業無邊更無可依。

悅意海音梵王得常思惟觀察無盡法解脫門

疏十觀性無相猶如虛空何有可盡察用隨宜如擊水文隨擊隨生復何可盡。

爾時尸棄大梵王承佛威力普觀一切梵身天梵輔天梵衆天大梵天衆而說頌言。

疏偈中先上首觀衆開成四天合則梵身卽衆亦有經云梵衆梵身梵輔梵眷屬身卽是衆輔卽眷屬譬如空雲如是見。

佛身清淨常寂滅光明照耀徧世間無相無行無影像譬如空雲如是見。

疏十偈初中初句法身普徧道場次句智光說法次句行淨無染境相智行既亡則大用影像亦寂後句通以喻顯雲不離空空不凝雲以況寂用佛身如是定境界一切衆生莫能測示彼難思方便門此慧光王之所悟。

疏二中初二句入禪之境如來法身卽是心性若能觀之爲上定故次句示入方便雖多同入一寂

佛利微塵法門海。一言演說盡無餘。如是劫海演不窮。善思慧光之解脫。

疏三中初句卽不思議法。次二句明普入義以一言說盡故。一言說盡之辨。劫海亦不能窮。顯法無盡也。約能包則一言說盡。約能久則劫海莫窮。然一言但說利塵。未是無盡。設欲一言盡者。則二三兩句相違。一言說盡。劫海更何所演。而得無窮。更有所演。前則不盡。又不可重說。若欲通者。總望則可說盡。隱映重重。則不可盡。如擊水文。小擊大擊。徧擊。各隨文生。盡未來際擊。盡未來文生爲難思法也。鈔以一言說盡故者。釋此一偈。疏文有一正釋。二解妨。前中自有二意。佛法對說。前句一言說盡。顯佛勝德。後句劫說不窮。明法無盡。約能包下。總就佛說。是歎佛故。前二句能包。後一句能久。然一言但說利塵下。通妨。謂有問云。前言說盡後言不窮。豈不相違。答有二意。一順文通。二約理通。今初經云。佛利微塵法門海。一言演說盡無餘。利塵法外。更有無盡之法。何妨劫海演說不窮。故反成之。設欲一言盡者。則二三兩句相違。初明前違於後。後更有所演下。後違於前。若欲通下。二

約理會通則前二句。直是說盡一切諸法。後之一句。不妨無窮。若一言不盡者。佛非不思議故。故云總說則盡成於前句。隱映無盡成於後句。兼以喻顯皆遺忘集意。

諸佛圓音等世間衆生隨類各得解。而於音聲不分別。普音梵天如是悟。

疏四中圓音之義。文畧有三義。一廣無邊。二別詮表。三無分別。如次三句。餘如出現品辯三世所有諸如來。趣入菩提方便行。一切皆於佛身現。自在音天之解脫。

疏五中。初二句卽教化衆生方便行。三世諸佛皆以利他爲向。菩提自清淨業故。次句前就梵王故。云憶念。今據如來故。身現耳。一毛尚現。何況全身。一切衆生業差別。隨其因感種種殊。世間如是佛。皆現寂靜光天能悟入。

疏六中。初句業相差別。次句報相差別。次句現同世間。

無量法門皆自在。調伏衆生徧十方。亦不於中起分別。此是普光之境界。

疏七中。前二句卽隨類調生。調法自在。故能隨類

廣徧次句顯明前義無思成事故。

佛身如空不可盡無相無礙徧十方所有應現皆如化變化音王悟斯道。

疏八中初二句明佛體性卽前清淨寂滅不可盡下畧顯四義如空次句佛用應現爲行旣皆如化不失寂滅。

如來身相無有邊智慧音聲亦如是處世現形無所著光耀天王入此門。

疏九中初二句所見無有邊次句勤觀無依著法王安處妙法宮法身光明無不照法性無比無諸

相此海音王之解脫

疏十中初二句常思大用無盡謂安住大悲宮能現大事故次句常觀法體無盡。

復次自在天王得現前成熟無量衆生自在藏解脫門。

疏自下第二欲界諸天文有七段第一他化天王長行十法中一謂現衆生前自在調伏使其成熟化法無盡故名爲藏。

善目王天王得觀察一切衆生樂令入聖境界樂解脫門。

疏二。觀世樂相皆苦。故應捨觀世樂性。卽入聖樂妙寶幢冠天王。得隨諸衆生種種欲解令起行。解脫門。

疏三。隨樂斷疑。令起正行。勇猛慧天王。得普攝爲一切衆生所說義解脫門。

疏四。一言普攝諸義。徧於時處爲物而說。妙音句天王。得憶念如來廣大慈增進自所行解脫門。

疏五。倣佛修慈。

妙光幢天王。得示現大悲門。摧滅一切憍慢幢解脫

門。

疏六。示現等者。大悲十力。摧彼慢高而無摧心。故云示現。

寂靜境天王。得調伏一切世間瞋害心。解脫門。

疏七。以智慧光照諸世間。令離三毒之閻。則無惡趣之果。瞋癡障重。故與偈互陳。

妙輪莊嚴幢天王。得十方無邊佛隨憶念悉來赴解脫門。

疏八。十方等者。爲念佛三昧純熟故。隨念何佛。卽能得見。如休捨解脫等。

華光慧天王得隨衆生心念普現成正覺解脫門

疏九應念現成。

因陀羅妙光天王得普入一切世間大威力自在法解脫門。

疏十。普入等者寂用自在現世調生總名威力爾時自在天王承佛威力普觀一切自在天衆而說頌言。

佛身周徧等法界。普應衆生悉現前種種教門常化誘於法自在能開悟。

疏偈中亦十。初中初句體徧次句用周故能現前。

次句教藏能成後句所成自在開於法藏悟深法門卽成熟也。

世間所有種種樂聖寂滅樂爲最勝住於廣大法性中妙眼天王觀見此。

疏二中初二句二樂次句令人如來出現徧十方普應羣心而說法一切疑念皆除斷此妙幢冠解脫門。

諸佛徧世演妙音無量劫中所說法能以一言咸說盡勇猛慧天之解脫。

疏三四可知。

世間所有廣大慈不及如來一毫分。佛慈如空不可盡此妙音天之所得。

疏五中三句共顯如來大慈。初二句舉劣顯勝。次句以喻正顯。謂世慈有相若須彌之高。大海之廣。終可傾盡。佛慈稱性。若芥子之空。投刃之地。卽不可盡。又如空有。普覆常攝。廣容無礙。難壞無盡。畧舉一無盡耳。鈔芥子之空者。卽四十一經云。佛子。譬如虛空。於蟲所食芥子孔中。亦不減小於無數世界中。亦不增廣其諸佛身。亦復如是。見大之時。亦無所增。見小之時。亦無所減。今但取能喻。投對上小空爲眞俗之況耳。

刃之地者。卽莊子中庖丁爲文惠君解牛。十九年而刀刃若新發於硎。君問其故。荅云。臣始見牛爲全牛也。今見非全牛。彼節者有間。而刀刃者無厚。以無厚入有間。恢恢乎其於遊刃必有餘地矣。故文選云。投刃皆虛。目牛無全。今借其骨間小空。以用妙光幢王所行道。寂靜天王悟斯法。

一切衆生慢高山。十力摧殄悉無餘。此是如來大悲道。寂靜天王悟斯法。

毛孔光明能演說等衆生數諸佛名隨其所樂悉得聞此妙輪幢之解脫。

疏六七與八文亦可知。

如來自在不可量法界虛空悉充滿一切衆會皆明覩此解脫門華慧入

疏九中初二句明佛體普偏無成不成次句隨衆生心現成正覺。

無量無邊大劫海普現十方而說法未曾見佛有去來此妙光天之所悟。

疏十中普現十方卽普入一切世間餘皆威力自

在鈔餘皆威力自在者大集經云孩子以啼爲力女人以瞋爲力外道以見爲力波旬以生死爲力菩薩以慈悲爲力佛以智慧爲力故以說法皆爲威力。

復次善化天王得開示一切業變化力解脫門。

疏第二化樂天長行十一法中一爲物開示諸業如化化雖體虛而有作用爲力業亦從緣無性而報不忘。

寂靜音光明天王得捨離一切攀緣解脫門。

疏二捨離等者攀取緣慮是惑病之本若心境無

得則捨攀緣。鈔攀取緣慮是惑病之本者。卽淨名問疾品經云。何謂病本。謂有攀緣。何所攀緣。謂之三界。云何斷攀緣。以無所得。若無所得。則無攀緣。何謂無所得。謂離二見。何謂二見。謂內見。外見。是無所得。故今疏云。心境無得。卽捨攀緣。

變化力光明天王。得普滅一切衆生癡暗心令智慧圓滿解脫門。

疏二闇滅智生如月盈缺

莊嚴主天王。得示現無邊悅意聲解脫門。

疏四示現等者。梵聲微妙。故云悅意應徧十方。故

云無邊

念光天王。得了知一切佛無盡福德相解脫門。

疏五知一切等者。此有三義。一。福德之相。有十蓮華藏世界微塵數。故無有盡。二。謂清淨慈門等。無限因所生故。一一因果。皆稱真故。一一卽無有盡。皆同虛空。三。慈悲行。是福德相。使盲聾視聽等。皆慈善根力故。涅槃經中有聞讚佛爲大福德。怒云。生經七日。母便命終。豈謂大福德相。讚者云。年志俱盛而不卒暴打之不瞋罵之不報。是故我言大福德相怒者聞而心伏。故慈爲無盡福相。然與

前義相成。鈔涅槃經中有聞讚佛等者。卽三十二經。南經三十五諸婆羅門欲與佛搃力。爾時復有一婆羅門作如是言。瞿曇沙門成就具足無量功德。汝等不應與諍。大衆答言。癡人。云何說言沙門瞿曇有大功德。其生七日。母便命終。是何得名福德相耶。婆羅門言。罵時不瞋。打時不報。當知卽是大福德相。其身具有三十二相。八十種好。無量神通。是故當知是福德相。心無憍慢。先意問訊。言語柔軟。初無麁廣。年志俱盛。心不卒暴。王國多財。無所愛戀。捨之出家。如棄涕唾。是故我說沙門瞿曇成就具足無量功德。大衆答言。善哉仁者。瞿曇沙門實如所說。成就無量神通變化。我不應與彼搃試是事。釋曰。文甚昭著。今但義引畧不引相好者。前已有故。然與前義相成者。第二義慈爲相因。此義慈卽是相果。果由因致。復能顯因。故云相成。最上雲音天王。得普知過去一切劫成壞次第解脫門。

疏六。三達圓智。了三世劫。此就天王。且言宿住耳。勝光天王得開悟。一切衆生智解脫門。

疏七。開悟等者。此門缺偈。上下文中屢有開悟。卽

同法華開示悟入以開攝示。以悟攝入。謂開示約能化悟入約所化。全彼疏文。彼更釋云。能化有大開之與曲示。所化有始悟之與終入意。云但說有性名爲大開。言此是凡夫性。此是聖人性。因果理行卽名曲示。豁然了知。故名爲悟。修行契證。目之爲入。卽始淺終深下引論意。卽初深終淺。以入約因故。疏彼論云。開者無上義。謂除一切智智。更無餘事。卽雙開菩提涅槃。謂以知見之性爲涅槃。知見之

相爲菩提衆生本有。障翳不現。佛爲開除。則本智顯。故示者同義。三乘同法身故。悟者不知義。不知唯一實事。故今令知成報身菩提故。入者令證不退轉地故。卽是因義爲證。初地已上爲菩提涅槃。因故廣如彼釋。鈔彼論云。下卽第二釋。彼論先釋如來知見。云佛知見者。如來能證如實知彼義。故疏意云。如實卽法性。是所證也。知彼義卽能證大智也。能所知見皆名知見。正同今經開示正覺境界。正覺卽能證境界。卽所證。今疏但出開等四句。開者無上義。論標名也。除一切智智。更無餘事。

者釋所開卽一切智智。一切智是根本智。重言智者是後得智。根本名知。後得名見。除此二事更無有餘能勝過此。故名無上。卽雙開菩提涅槃者。釋所開一切智智也。謂以知見之性下。釋雙開意。衆生本有下疏釋開義。大乘法師釋開云。開者出生顯證之義。謂出生菩提顯證涅槃故。卽法相宗意。故下釋悟云。令悟知見相本有種子。以成報身。今疏意不然。知見性相。並皆本有。本有大智光明。偏照法界義故。涅槃云。佛性名第一義空。知見性也。第一義空。名爲智慧。知見相也。在因爲性相。在果

爲菩提涅槃。故云衆生本有。障翳不現耳。智障菩提。惑障涅槃。二障俱無。菩提涅槃一時俱顯。故云佛爲開除。卽本智顯現。示者同義別示。知見之性以成涅槃。悟者不知義別示。知見之相以成菩提。言不知唯一實事者。經云。唯此一事實。餘二則非真。一實事。卽是知見。上三皆果。斷德智德以總別故而成三句。入卽因義。未知何可能證。故示與無量智業。無量智者。卽果中一切智智體用。而言業者。是彼因也。所以要舉初地已上爲因者。登地證如。爲涅槃因。能證地智爲菩提因。故十地論釋經

究竟如虛空。盡未來際云。卽因善決定。究竟如虛空卽菩提因。如依空生色。色不盡故。盡未來際爲涅槃因。常果無窮故。二果卽智性相也。又開者卽般若。故論云。除一切智智。更無餘事。示卽法身悟卽解脫。三德涅槃。卽是三句。入是三德之因。上有三意。一約佛性釋。二約菩提涅槃釋。三約三德涅槃釋。會之並同。佛性有果。有果果。卽菩提涅槃。故三德涅槃攝菩提故。亦佛性故。餘如前後釋禪宗之解。如問明品。

妙髻天王得舒光疾滿十方虛空界解脫門。

疏八稱性之光。有何難徧。

喜慧天王得一切所作無能壞精進力解脫門。

疏九一切等者。謂契理具修。長劫無倦。故衆魔外道所不能摧。

華光髻天王得知一切衆生業所受報解脫門。

疏十善惡等殊苦樂等。皆知性相。

普見十方天王。得示現不思議衆生形類差別解脫門。

疏十一示現等者。無邊品類。一毛頓現。更無來去。尤顯難思。

爾時善化天王承佛威力普觀一切善化天衆而說頌言。

疏偈中脫於第七。唯有十偈。

世間業性不思議。佛爲羣迷悉開示。巧說因緣眞實理。一切衆生差別業。

疏初中初句總。次句開示後二句顯如化力。差別業者果不亡故。

種種觀佛無所有。十方求覓不可得。法身示現無眞實。此法寂音之所見。

疏一中初句所攀緣。後二無得。然緣境有一二。真

二妄。真佛有緣亦成妄惑。況於妄耶。種種觀者。五求不得故。謂佛有耶。常見爲惑。謂佛無耶。邪見深厚。四句百非所不能加。故無所有。非唯一佛。十方亦然。應化示現非真實故。求實無得。卽見真身。真卽無緣。佛尚應捨。何況餘境。鈔五求不得等者。卽是中論觀如來品偈云。非陰不離陰。此彼不相在。如來不有陰。何處有如來。卽五求也。由諸外道妄計有我。我爲如來。計有五故。一謂卽陰是如來。二謂離陰有如來。三謂如來中有陰。四謂陰中有如來。五謂陰能有如來。今並非之。若陰卽如來。陰

生滅故佛應生滅故云非也。若謂離陰有如來者以何相知。如來墮常過。離陰生滅故云不離三。若謂如來中有陰。如器中有果。則亦是異。如來亦墮常過四。若陰中有如來。如牀上有人。亦有別異過。故云此彼不相在五。若如來能有五陰。陰屬如來者。則如人有子。亦有別異過。異則如來墮常等。故然後四句皆成異過。初卽是一。總合但是一異過耳。故觀法品破我。但言若我是五陰。我卽爲生滅。若我異五陰。卽非五陰相。今細推尋。故有五求皆不可得。上之五求。但能破有。今四句並非。故

言謂佛有耶。常見爲惑。謂佛無耶。邪見深厚。此上雙破有無。而有過則微。無過則重。故云深厚。彼論偈云。邪見深厚者。則說無如來。如來寂滅相。分別有亦非。如是性空中。思惟亦不可者。亦遣有無。四句百非所不能加。故無所有者。結歸經文准中論中畧說三種四句。皆不能加。初偈云。空則不可說。非空不可說。共不共叵說。但以假名說。此一四句。共卽俱句。不共則雙遮。若別說者。一空。二非空。三亦空。亦非空。四。非空。非非空。此皆雙遮辨中。第二四句云。寂滅相中。無常無常等四。第三四句云。寂

滅相中無邊無邊等四。今並拂之。非唯此四。泛爾隨相皆悉非之。然百非有二義。一約十惡說。如下當明。一約通相說。謂離一切分別之相耳。故論結云。如來過戲論而人生戲論。戲論破慧眼。是皆不見佛。謂起心動念。並爲戲論。非觀如來。應如淨名觀阿閦品。故疏結云。真則無緣。佛尚應捨。何況餘境。卽借用金剛法尚應捨。何況非法。

佛於劫海修諸行。爲滅世間癡暗惑。是故清淨最照明。此是力光心所悟。

世間所有妙音聲。無有能比如來音。佛以音徧十

方入此解脫莊嚴王。

疏三四可知。

世間所有衆福力。不與如來一相等。如來福德同虛空。此念光天所觀見。

疏五中。初二句福德相。次句無盡相。相好者。經云盡人中福。不及一天。乃至云。盡世間福。不及如來一相等。鈔相好經云。盡人中福等者。等取善生經云。一切世間福。不及如來一毛功德。一切毛功德。不及一好。一切好功德。不及一相。故名福相。云不及如來一相等。等取瑜伽四十九。亦如是說。

三世所有無量劫。如其成敗種種相。佛一毛孔皆能現。最上雲音所了知。

疏六中。約天之智。普知約佛一毛能現。○七闕十方虛空可知量。佛毛孔量不可得。如是無礙不思議。妙髻天王已能悟。

疏八中。初二句明毛孔過空。謂靈智證理。非如虛空。真理超事故。亦非比無限理智。不可分析。隨其少分。卽融攝重重。故一毛之量。便越虛空。次句別示越相。謂毛孔不大而無涯。卽廣陋無礙。故杜絕思議之境。前卽一光外展。今則一毛內廣。文綺兀

耳。一毛本自徧空。十方豈得難滿。鈔毛孔過空疏有三段說。二種過。一。如來靈智能證真理。虛空不能證。二。如來稱真之理。空超過事空。事空卽斷滅空。故三無限理智下。雙結上二。皆不可分。理無分限。智契於理。亦無分限。智結靈智。理結真理。既不可分。一毛稱真。則重重融攝。此處之空。豈不能攝於餘處之空。

佛於曩世無量劫。具修廣大波羅密。勤行精進。無厭怠。喜慧能知此法門。

疏九中。初句長時修。次句無餘修。次句無間修。具

此三修故進力難壞而言廣大波羅密者至第五經釋。

業性因緣不可思佛爲世間皆演說法性本淨無諸垢此是華光之人處。

疏十中初句總顯業之性相卽緣生果報之不亡便是無性之非有故不可有無思也次句佛如是說天如是知次句以法性示業性。

汝廁觀佛一毛孔一切衆生悉在中彼亦不來亦不去此普見王之所了。

疏十一中初二句小一現大多爲一難思次句現

時不來不現不去又難思也。

復次知足天王得一切佛出興世圓滿教輪解脫門疏第三知足天長行十法中第一天得總相法門諸佛將興皆生彼天下生之時普應法界頓闡華嚴爲圓滿相。

喜樂海髻天王得盡虛空界清淨光明身解脫門。

疏二盡虛空等者光明色身皆徧空界了不可取故云清淨。

最勝功德幢天王得消滅世間苦淨願海解脫門。

疏三以淨願力滅惑業苦。

寂靜光天王得普現身說法解脫門。

善目天王得普淨一切衆生解脫門。

疏四五可知。

寶峯月天王得普化世間常現前無盡藏解脫門。  
疏六普化等者普卽無偏常卽無間示其真樂卽  
如來藏。

勇健力天王得開示一切佛正覺境界解脫門。

疏七自覺智境佛已入之故示物同悟故。

金剛妙光天王得堅固一切衆生菩提心令不可壞  
解脫門。

疏八以淨福堅菩提心。

星宿幢天王得一切佛出興咸親近觀察調伏衆生  
方便解脫門。

疏九謂仰觀下化。

妙莊嚴天王得一念悉知衆生心隨機應現解脫門。  
疏十卽照現速疾也。

爾時知足天王承佛威力普觀一切知足天衆而說  
頌言。

如來廣大偏法界於諸衆生悉平等普應羣情闡妙  
門令人難思清淨法。

疏偈中初偈前半卽出世義上句體智俱徧下句悲用皆普後半卽圓滿教輪前句卽實之權爲妙門後句會權入實爲圓滿。

佛身普現於十方無著無礙不可取種種色像世咸見此喜髻天之所入。

疏二中可知。

如來往昔修諸行清淨大願深如海一切佛法皆令滿勝德能知此方便。

疏三中初二句以行淨願次句雜染本空故前令減佛法本具故今令滿妄盡真顯二言相成。

如來法身不思議如影分形等法界處處闡明一切寂靜光天解脫門。

疏四中初二句依體普現若月入百川尋影之月月體不分卽體之用用彌法界體用交徹故不思議次句稱根說法鈔尋影之月月體不分者此中法喻影畧若具更云以月隨影萬流異見尋用之體體本寂然爲寂靜光也衆生業惑所纏覆憍慢放逸心馳蕩如來爲說寂靜法善目照知心喜慶疏五中前半卽所淨之衆生具三雜染故於中上

句標下句畧示惑相慢是根本。嬌逸隨惑。嬌謂染自盛事。慢謂恃已陵他。放逸卽是縱蕩。嬌爲染法所依。慢能長淪生死。放逸衆惑之本。故偏舉此三蕩者動也。謂境風敲擊。飄蕩馳散。次句能淨法門。謂不取於相當體寂故。鈔慢是根本等者。六根本中之一也。嬌逸隨惑者。二十隨煩惱中之二也。嬌是小隨。放逸是大隨。並如初發心品。今畧釋之。以經有意故。慢謂已下。釋三惑相以順經文故。唯識云。慢謂恃已凌他。高舉爲性能障。不慢生苦爲業。謂若有慢於彼有德心不謙下。由此生死輪轉。

無窮受諸苦故。故疏云。慢能長淪生死。論云。云何爲嬌於自盛事。深生染著。醉傲爲性能障。不嬌染。依爲業。故疏云。嬌爲染法所依。論云。云何放逸。謂於染淨品不能防修。縱蕩爲性障。不放逸增惡損善所依爲業。故疏云。放逸卽是縱蕩。餘可思準。一切世間真導師爲救爲歸而出現。普示衆生安樂處。峯月於此能深入。

諸佛境界不思議。一切法界皆周徧入於諸法到彼岸。勇慧見此生歡喜。

若有衆生堪受化聞佛功德趣菩提。令住福海常清。

淨妙光於此能觀察。

疏六七及八文並可知。

十方刹海微塵數。一切佛所皆往集。恭敬供養聽聞法。此莊嚴幢之所見。

疏九中。通顯上既親近。必當敬養聞法。以聞調他爲真供養。列名中云星宿幢。今故莊嚴與長行互出。

衆生心海不思議無住無動無依處。佛於一念皆明見妙莊嚴天斯善了。

疏十中。前半所知衆生心。上句標深廣。下句顯相。

念慮不住多於草故廣也。深者有三義。一恒轉如流故不住。二本體寂然故不動。三從緣妄起無別所依。次句卽一念悉知。

復次時分天王得發起一切衆生善根令永離憂惱。解脫門。

疏第四時分天十法。一善根若發憂惱自除。

妙光天王得普入一切境界解脫門。

疏二以無限方便普證法身之境。

無盡慧功德幢天王得滅除一切患大悲輪解脫門。

疏三悲摧惑苦。故名爲輪。

善化端嚴天王得了知三世一切衆生心解脫門。

疏四以三達智知機授法。總持大光明天王得陀羅尼門光明憶持一切法無忘失解脫門。

疏五陀羅尼等者總持入理故名爲門以慧爲體故云光明若取助伴則兼念定念卽明記故能憶持定乃心一常無忘失四無礙等一切諸法皆是所持。

不思議慧天王得善入一切業自性不思議方便解脫門。

輪齋天王得轉法輪成熟衆生方便解脫門。

疏七轉法等者轉法示菩提之道卽是成熟衆生方便。

光燄天王得廣大眼普觀衆生而往調伏解脫門。疏八十眼圓見隨宜往調。

光燄天王得超出一切業障不隨魔所作解脫門。

疏九超出等者超出業障使離惡因不隨魔作捨惡緣也。

普觀察大名稱天王得善誘諭一切諸天衆令受行

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

華嚴經卷二十一

三

## 心清淨解脫門。

疏十等雨法雨誘令進善使彼受行誨令斷惡得  
心清淨此就於天偶通一切。

爾時分天王承佛威力普觀一切時分天衆而說  
頌言。

疏偈中亦十。

佛於無量久遠劫已竭世間憂惱海廣闊離塵清淨  
道永耀衆生智慧燈。

初偈通顯前半彰已已離後半開發能離善根。  
如來法身甚廣大十方邊際不可得一切方便無限

## 量妙光明天智能入。

生老病死憂悲苦逼迫世間無暫歇大師哀愍誓悉  
除無盡慧光能覺了。

佛如幻智無所礙於三世法悉明達普入衆生心行  
中此善化天之境界。

總持邊際不可得辨才大海亦無盡能轉清淨妙法  
輪此是大光之解脫。

疏二三四五文並可知。

業性廣大無窮盡智慧覺了善開示一切方便不思  
議如是慧天之所入。

疏六中初句卽業性言廣大者一念造一切故無窮盡者未得對治無能止故有多門故次句善入智了自入開示令他入次句入門多種轉不思議妙法輪顯示修習菩提道永滅一切衆生苦此是輪齊方便地。

如來真身本無二應物隨形滿世間衆生各見在其前此是燄天之境界

疏七八亦可知。

若有衆生一見佛必使淨除諸業障離諸魔業永無餘光照天王所行道。

疏九中初句見佛爲緣次二見佛二益一正智生  
必內超業障二佛爲真導豈外逐魔緣既不隨魔  
安造魔業十魔並離故致諸言鈔十魔並離者  
卽五十八經一蘊魔二煩惱三業四心五死六天  
七善根八三昧九善知識十菩提法智下廣有釋  
一切衆會廣大海佛在其中最威耀普雨法雨潤衆  
生此解脫門名稱入

疏十亦可知

復次釋迦因陀羅天王得憶念三世佛出興乃至刹  
成壞皆明見大歡喜解脫門

疏第五三十三天衆長行有十一法初中承力故憶念念過去佛者曾入此天故二世有二亦念未來一過去自互相望亦有三世生大喜者境殊勝故慶自福故。

普稱滿音天王得能令佛色身最清淨廣大世無能比解脫門。

疏二能令等者然佛身無染淨大小亦無勝劣猶若虛空雲屯卽暗日朗卽明色昏卽劣物隔言小今妄雲盡而智光照故清淨性空現故廣大妙色顯故無比皆解脫力故曰能令。

慈目寶髻天王得慈雲普覆解脫門。

疏三大慈不揀冤親若雲無心而普覆。

寶光幢名稱天王得恒見佛於一切世主前現幢種形相威德身解脫門。

疏四恒見等者人天世主多恃威德故佛現超之令其敬喜。

發生喜樂髻天王得知一切衆生城邑宮殿從何福業生解脫門。

疏五知其因果差別使物勤修因果並得名福端正念天王得開示諸佛成熟衆生事解脫門。

疏六開示等者。示佛調生令菩薩倣習。

高勝音天王得知一切世間成壞劫轉變相解脫門。

疏七初成後壞。住時轉變乃至毛孔細刹皆悉知

之。言轉變者。福人出世則琳琅現矣。薄福者出則

荆棘生焉。

成就念天王得憶念當來菩薩調伏衆生行解脫門。

疏八憶念等者。佛毛現因調行天憶則能思齊。

淨華光天王得了知一切諸天快樂因解脫門。

疏九一切諸樂以佛爲因具勝德故就樂增勝說諸天耳。

智日眼天王得開示一切諸天子受生善根俾無疑惑解脫門。

疏十開示等者受生善根卽念佛力。開示令不迷惑則去放逸而進修。

自在光明天王得開悟一切諸天衆令永斷種種疑惑解脫門。

疏十一疑自疑他疑理疑事有多種種如聞空疑斷聞有疑常聞雙是則疑其兩分聞雙非疑無所悟。鈔疑自疑他等者然疑有一通相說於諸

諦理猶豫爲性能障。不疑善品爲業。二者五益中  
疑畧有三種。一疑自謂已不能入理。二疑師爲彼  
不能善教。三疑法謂於所學爲令出離。爲不出離  
如有病人。疑自疑醫疑藥。病終不愈。今言疑自疑  
他疑理疑事。卽五益中之三種也。合其事理。皆所  
疑法通相說也。如聞空疑斷者。畧示疑理事之相  
亦通一切疑也。疏有二勢。一當句生疑。謂聞空疑  
斷等。不了真空。將謂斷滅等。二又聞空疑有者。卽  
空有互疑。而云等者。等取聞雙是。則疑雙非。聞雙  
非則疑兩是。今開之可思。更畧示其義。謂聞空莫

疑斷是卽事之空。非斷滅故。聞有莫疑。常非定性。  
有從緣有故。聞雙是莫疑兩分。但雙照二諦。無二  
體。故聞雙非莫疑無據。以但遮過令不著故。又聞  
空莫疑於有。是卽有之空故。聞有莫疑於空。是卽  
空之有。故聞雙是莫疑雙非。是卽非有無爲有無  
故。聞雙非莫疑雙是。是卽有無方是非有無故。  
爾時釋迦因陀羅天王承佛威力普觀一切三十三  
天衆而說頌言。

疏得中。亦有十一。

我念三世一切佛。所有境界悉平等。如其國土壤與

成以佛威神皆得見。疏初中云平等者化儀同故。又但以世俗文字數故說有三世。非謂如來有去來今。鈔又但以世俗下卽淨名第二。唯改菩提爲如來耳。佛身廣大徧十方。妙色無比利羣生。光明照耀靡不及。此道普稱能觀見。

疏二中初句廣大次句無比次句清淨然古德明通有六義一廣謂總法界爲身故二徧全徧一座至十方故三妙色卽無色無色之色故四勝無有比故五益利物無涯故六用光破暗故。

如來方便大慈海。往劫修行極清淨。化導衆生無有邊。寶髻天王斯悟了。

疏三中前半卽慈雲上句果大下句因深。一切佛法依慈悲慈悲又依方便立俱稱深廣故致海言次句卽普覆也。

我念法王功德海。世中最上無與等。發生廣大歡喜心。此寶光天之解脫。

佛知衆生善業海種種勝因生大福。皆令顯現無有餘此喜髻天之所見。

諸佛出現於十方普徧一切世間中。觀衆生心示調

伏正念天王悟斯道。

如來智身廣大眼。世界微塵無不見。如是普偏於十方。此雲音天之解脫。足此念天王所明見。

世間所有安樂事。一切皆由佛出生。如來功德勝無等。此解脫處華王入。

疏次六可知。若念如來少功德。乃至一念心專仰。諸惡道怖悉永除。智眼於此能深悟。

疏十中。初二句卽前善根少功德者。以少况多彰因爲勝。次句卽人天受生故離三惡怖。寂滅法中大神通普應羣心靡不周。所有疑惑皆令斷。此光明王之所得。

疏十一中。初句卽能開之法是寂滅智通。次二句由普應故疑皆斷也。

復次日天子。得淨光普照十方衆生盡未來劫。常爲利益解脫門。

疏第六日天長行十一法。旣爲日天。多辨光益。初一名及法門。皆是總也。謂佛身智光。猶如彼日。無

私而照是曰淨光此光體也次辨用光畧有四義一約心高下齊明故名普照二約處則窮十方界三約時盡於未來四約功用常無間斷如斯利益卽大智之功

光燄眼天子得以一切隨類身開悟衆生令入智慧海解脫門

疏二以一切等者衆生本有佛智如海潛流今佛以隨彼彼類身設種種方便務在開悟令其證入須彌光歡喜幢天子得爲一切衆生主令勤修無邊淨功德解脫門

疏三衆生蒙染漂泊無依佛德無礙應爲其主隨修絕染名淨功德一行契理卽曰無邊况其具修耶

淨寶月天子得修一切苦行深心歡喜解脫門

疏四修一切等者以智導悲爲物受苦故深歡喜勇猛不退轉天子得無礙光普照令一切衆生益其精夾解脫門

疏五謂體離障惑用而遂通故云無礙若身若智俱得稱光周而不偏故云普照身心明利是益精爽爽明也大集經云國王護法增長三種精氣一

地精氣謂五穀豐熟。一衆生精氣謂形貌端嚴。無諸疾疫。三善法精氣謂修施戒信等。今文正在第三益其福智義兼前二法力遠資故。

妙華纓光明天子得淨光普照衆生身令生歡喜信解海解脫門。

疏六淨光等者身智二光淨物身心信解深廣于何不喜。

最勝幢光明天子得光明普照一切世間令成辦種妙功德解脫門。

疏七畫則勤心修善業故。

寶髻普光明天子得大悲海現無邊境界種種色相寶解脫門。

疏八大悲海等者謂無緣大悲坐於道樹出多奇寶故色相寶者應言寶色相圓明可貴故以寶爲體寶莊嚴故具十蓮華藏塵數故云種種一一色相用周法界名現無邊境如是皆從大悲海流悲海包納不揀賢愚故。

光明眼天子得淨治一切衆生眼令見法界藏解脫門。

疏九慧除癡翳法眼則淨淨見法界法界卽<sub>空</sub>藏

如前說。

持德天子。得發生清淨相續心。令不失壞。解脫門。  
疏十。發生等者。謂於佛所。發生清淨心。曾一供養  
能令其福續至菩提故。如出現品食金剛喻。况相  
續耶。

普運行光明天子。得普運日宮殿照十方。一切衆生  
令成就所作業解脫門。

疏十一。使物居業。莫越日光。令人進德。寧過法義。  
爾時日天子。承佛威力。普觀一切日天子衆。而說頌  
言。

疏偈中亦有十一

如來廣大智慧光。普照十方諸國土。一切衆生咸見  
佛。種種調伏多方便。

疏初中前半淨光普照。後半常爲利益。滅惡生善。  
破愚爲智等爲多方便。

如來色相無有邊隨其所樂悉現身。普爲世間開智。  
海。燄眼如是觀於佛。佛身無等無有比。光明照耀徧十方。超過一切最無  
上。如是法門歡喜得。

疏二三可知。

爲利世間修苦行往來諸有無量劫光明徧淨如虛空寶月能知此方便。

疏四中前半卽一切苦行此有四難一背已利世難二行相唯苦難三處經諸有難四時劫無量難於此具行故云一切次句明深心歡喜亦有四義一爲物苦行滿本願故義在初句二智照苦性本空寂故卽有光明照空三徧淨無染非雜毒故卽徧淨如空四自他有果非無利故卽第三句全佛演妙音無障礙普徧十方諸國土以法滋味益羣生勇猛能知此方便

放光明網不思議普淨一切諸含識悉使發生深信解此華纓天所入門

疏五六可知光網之義如賢首品

世間所有諸光明不及佛一毛孔光佛光如是不思議此勝幢光之解脫

疏七中通明舉劣顯勝以辨難思故能成辦諸妙功德言世不及者世雖多光益非究竟佛光雖少必徹真源不可盡故以一况諸

一切諸佛法如是悉坐菩提樹王下令非道者住於道寶髻光明如是見

衆生盲暗愚癡苦。佛欲令其生淨眼。是故爲然智慧燈。善目於此深觀察。解脫方便自在尊。若有曾見一供養。悉使修行。至於果。此是德天方便力。

疏八九與十文亦可知。一法門中無量門。無量千劫如是說。所演法門廣大義。普運光天之所了。

疏十一中初句卽能照法門。猶一日宮。千光並照。隨舉一法。有無量門。然有二義。約相類。如一無常門。有生老病死聚散合離。得失成壞。三灾四相。

外器內身。利那一期。生滅轉變。染淨隱顯。皆無常門。餘亦如是。二就性融。不可盡也。次二句。普運照義。一日周天。則日日無盡。一門歷事。則劫劫難窮。方便多門。終歸一極。廣者無邊。大者無上。

復次月天子。得淨光。普照法界。攝化衆生。解脫門。

疏第七月天長行十法。初名法門。亦總稱也。謂光有身智。二殊法界。亦事理兩別。事卽機之身心。及所依利。身光照身。令覺照利。令淨智。光照心。破癡照理。令顯身智。二光相卽。則所照四法。亦融以之稱普。並除惑障。俱得淨名。

華王髻光明天子。得觀察一切衆生界。令普入無邊法解脫門。

疏一。觀察等者。悲心普觀。授以多法。令入無邊法界。

衆妙淨光天子。得了知一切衆生心海種種攀緣轉解脫門。

疏二。衆生藏識。皆名心海。前七轉識。名攀緣轉。謂轉生亦流轉也。緣境非一。立種種名。故經云。藏識海常住。境界風所動。種種諸識浪騰躍而轉生。喻云。洪波鼓溟壑。無有斷絕期。既知機殊。隨應授躍大歡喜解脫門。

疏四。與一切衆生等者。謂不物聖樂。令得初地。此樂本有染而不染。爲不思議。

樹王眼光明天子。得如田家作業。種芽莖等。隨時守護令成就解脫門。

疏五。謂以菩提心爲家。二利爲作業。並以身口爲

牛。利智爲犁。耕於心地。下聞薰種。生信解芽。起正行莖。開諸覺華。獲菩提果。自利則以不放逸。隨時守護利他。則以能化大願。守護不令魔惑。禽獸侵犯。從因至果。得成就也。

出現淨光天子。得慈悲救護。一切衆生。令現見受苦。受樂事。解脫門。

疏六慈悲等者。謂慈護現樂。悲救其苦。令見因果斷惡修善。名真救護。

普遊不動光天子。得能持清淨月。普現十方。解脫門疏七。以佛智風持大悲月。使明見正覺。離苦清涼。

星宿王自在天子。得開示一切法。如幻如虛空。無相無自性。解脫門。

疏八開示等者。一切法有一種。一是所迷。謂緣起不實。故如幻。緣成故無性。二是能迷。謂偏計無物。故如空。妄計故無相。又緣起法有二義。一無相。如空。則蕩盡無所有。是相空也。二無自性。如幻。則業果恒不失。卽性空也。此二不二爲一緣起。是故兩喻共顯一法。旣不迷能所。則悟真如。成正智火。鈔言此二不二者。融上性相二空也。云何融耶。謂若不達者。性相二空。俱非了義。何者。謂法若性空。

相不空故。若云相空。性又不空。以性相異。猶如晝火無有熱性。而似火相。如木中火。不見其相。而有其性。如角峯垂頷。即是牛相。負重致遠。是其性故。性主於內。相據於外。若一空者。彼一不空。若得意者。此二相成。謂由從緣無性。名爲性空。故令體相無不空寂。卽相空也。此以性空成於相空。由諸相蕩盡。是故空中無色無受想行識方顯法性本自空耳。此以相空成於性故。二空相成。云不二也。又說性空。總有三義。一法無定性。名空。則相未空。二法之真性。本空。則相亦未空。三若說從緣無性。故

名爲空。則一切法性自空矣。非推之使空。則悟真如成正智火者。此中具五法三自性三性文顯。五法相者。謂徧計無物。故亡名也。妄計無相。絕妄想也。緣起無相。故亡相也。悟真如卽圓成成正智火。五法具矣。

淨覺月天子。得普爲一切衆生起大業用。解脫門。

疏九。悲願爲物。現相好形。是大業也。

大威德光明天子。得普斷一切疑惑解脫門。

疏十。普斷等者。毛光普演。何疑不斷。

爾時月天子。承佛威力。普觀一切月宮殿中諸天衆

會而說頌言。

並偈中亦十。

佛放光明徧世間。照耀十方諸國土。演不思議廣大法。永破衆生癡惑暗。

境界無邊無有盡。於無量劫常開導。種種自在化羣生。華譬如是觀於佛。

疏初二可知。

衆生心海念念殊。佛智寬廣悉了知。普爲說法令歡喜。此妙光明之解脫。

疏三中。初句卽心海攀緣轉。若以生滅八識。卽彼

第八亦名爲轉。以恒轉故。云念念殊。恒故非斷轉。故非常。鈔若以生滅八識。卽彼第八亦名轉者。以起信中。則生滅與不生滅和合。故有藏識海常住之言。如長行辨今取唯識宗八識。唯是業惑辯生。故皆生滅。言以恒轉故者。卽引證也。論釋第一能變。卽阿賴耶。於中因果法喻間之恒轉如瀑流。論有問云。阿賴耶識爲斷爲常。論答云。非斷非常。以恒轉故。恒謂此識無始時來。一類相續。常無間斷。是界趣生施設本故。性堅持種令不失故。轉謂此識無始時來。念念生滅。前後變異。因滅果生。非

常 1 2 3 4 5 6 7 8 9 10 1 2 3 4 5 6 7 8 9 10

常一故可爲轉識。薰成種故恒言遮斷。轉表非常。猶如瀑流因果法爾。云念念殊者。卽以論恒轉之言會同經文。

疏新新而生。念念而滅。念念殊故體恒不卽。彼如來藏功德常具。義亦不離。如彼瀑流離水無流。離流無水。又如海波濤有漂溺故多畜養故法合思之次句明了知。謂此識深細。唯佛智知。故次句示心海性。卽是佛智。不令外求。稱機故喜。鈔新新已下。義引上論。念念殊故下會法性宗與如來藏非一非異故。起信云。謂不生不滅與生滅和合。非一非異。名阿賴耶識。由念念殊。是生滅故與藏非一。卽此生滅心恒沙性德本來具足。故名不離。不卽不離。卽不一不異。如彼瀑流者。卽向所引唯識後文云。如瀑流水。非斷非常。相續長時。有所漂溺。此識亦爾。從無始來。生滅相續。非常非斷。漂溺有情。令不出離。又如瀑流。雖因風等擊起諸波。而流不斷。此識亦爾。雖遇衆緣。起眼等識。而恒相續。又如瀑流漂水上。下魚草等物。隨流不捨。此識亦爾。六內習氣外觸等法。恒相續轉。釋曰。但觀上引。於疏文中。二宗合釋。如瀑流水。卽唯識文離水無流。

通二宗義。若成法相離。第八識無眼等識。若依法  
性。離如來藏。無有八識。廣如問明。又如海波濤。卽  
起像云。如大海水。因風波動。水相風相。不相捨離。  
海卽藏識。如長行說。恒常住故。是如來藏。此卽成  
上離水無流。亦乃生下有所漂溺。卽唯識上生人  
天。猶如漂草。下沉三塗。猶如溺魚。多畜養故。又兼  
法性。此中具有恒沙性德。一切智寶自此而生。若  
取法相。阿陀那識甚微細。一切種子如瀑流。我於  
凡愚不開演。恐彼分別執爲我。亦多畜養義。義兼  
二宗。言法合思之已。如上說。玄文又明。至問明品。

當廣分別二宗之異。謂此識微細。卽如向引偈文。  
卽唯識第二引解深密偈。次句示心海性。卽是佛  
智者。上句佛智爲能了故。八十經云。佛智廣大。如  
虛空。悉了世間諸妄想故。今此卽出現品云。一切  
衆生。無不具有如來智慧。如大海水。潛流四天下  
地。故云卽是佛智。不令外求者。卽淨名云。諸佛解  
脫。當於衆生心行中求。稱彼圓機。故生歡喜。

衆生無有聖安樂。沉迷惡道受諸苦。如來示彼法性  
樂思惟。如是見。

四中初二句。明失聖樂。聖安樂者。卽聖智涅槃。

有今無。故沉迷妄苦。次句明與示其性有。樂非  
外名。不思議見性得樂。性即是門。鈔即聖智  
涅槃。又有今無者。約法相說。涅槃本有。聖智本無。  
故無菩提覺法之樂。今約法性。涅槃聖智皆有性  
淨。卽法性門。是則真樂本有。失而不知。云無有耳。  
故初地云。諸佛正法。如是甚深。而諸凡夫心墮邪  
見。旣失真樂。妄苦本空。得而不覺。是故沉迷。若覺  
本性。不沉迷故。故第三句示其性有。令其覺性。了  
彼苦性。眞寂靜樂。云樂非苦外。是以長行名不思  
議見性得樂。性即是門者。若約解。苦無苦。苦爲見

性之門。今約見性成佛。故性爲聖樂之門。  
如來希有大慈悲。爲利衆生。入諸有。說法勸善。令成  
就。此日光天所了知。

疏五中。但是法說。如來卽田主也。悲佃物田。爲利  
入有。是所作業。爲利同於求果。入有似於耕犁。說  
法卽是下種。勸善正當守護。令熟可知。  
世尊開闡法光明。分別世間諸業性。善惡所行。無失  
壞淨。乞見此生歡喜。

六中。前悲救護。語其本心。此明智光彰其所用。  
皆相導能眞。故也。

1

1 2 3 4 5 6 7 8 9 10

1 2 3 4 5 6 7 8 9 10

1 2 3 4 5 6 7 8 9 10

一切福所依。如大持宮室。巧示離憂安隱。動能知此方便。

疏十口。初句爲福依。月爲涼本。次句應言大風持宮。而今云爾。即是轉喻。大地如佛。宮室如福。次句卽照現義。亦清涼義。

智火大明周法界。現形無數等衆生。普爲一切開真寶。星宿天王悟斯道。

疏八中可知。

佛如虛空無自性。爲利衆生。現世間相好莊嚴。如影像。淨覺天王如是見。

疏九中。初句佛如虛空。大業性也。次句大業體也。不利衆生。非大業故。次句大業相。依光有影。可以知動靜。依鏡有像。可以辨妍媸。然彼影像無自性。相如來相好。當知亦爾。鈔依光有影等者。疏開影像二字。以爲兩喻。影謂光影。喻像謂鏡像。喻然此二喻有通一切。今取別義。光影之喻。喻佛現多端。故云有動靜質動影動質靜影靜鏡像喻現身。勝劣丈六三尺三十二相等。隨機見也。

毛孔。盲法雲覆世。悉無餘聽聞。莫不生歡喜解脫。大悟。

60

卷二之二  
大方廣佛華嚴經疏鈔

華嚴疏鈔卷二之二

大方廣佛華嚴經疏鈔卷二之二終



エ、一  
十一

十一

也

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90